



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCLXXXVII. De quodam Miraculo.

urn:nbn:de:hbz:466:1-11850

*Sigefridus de Feuchtwangen XII. Mag. Gen. Ord. Teut.
Conradus Sak XVI. Mag. Prov. in Prussia.*

mnibus & occisis hominibus, & combusto præurbio cum præda tanta, quantam deducere poterant, sunt reversi.

ANIMADVERSIO.

(a) Jeroschinus habet S. Ruperti.

CAP. CCLXXXVI.

Item de eodem.

POST redditum hujus exercitus, frater Eberhardus Commendator de Kunnigsberg, intellecto quid egerit sperans quod delecto suburbio castrum facilius expugnaret, cum centum fratribus & sex millibus equitum dictum Castrum Gartham est aggressus. Sed Rex Lethoviæ auditâ destructione suburbii hujus castri, misit præelectos viros & in armis expeditos plurimos ad defensionem. Unde factum est, quod dum fratres castrum impugnarent, castrenses, ex adverso se viriliter opposentes, exierunt ad prælum, quod diu inter eos duravit. Tandem fratres fugaverunt eos. Reversi igitur ad Castrum, post modicam horam resumptis viribus & audaciâ iterum exierunt ad pugnam, & hoc factum fuit pluribus vicibus ab ortu solis usque ad meridiem. Quanquam isti illos aliquando, illi istos aliquando, represserunt. In isto certamine multi de infidelibus lethali- ter sunt vulnerati, & plures mortui ceciderunt. De nostris vero, fratres XII. & XXX. viri fuerunt vulnerati, & frater Hartmannus de Elsterberg telo per collum sagittatus, postea expiravit.

CAP. CCLXXXVII.

De quodam Miraculo.

HOC tempore quidam Lethovinus de Erogel captus à Rege suo,

*Sigfridus de Feuchtwangen XII. Mag. Gen. Ord. Teuton.
Heinricus à Poltzke XVII. & ult. Mag. Prov. Prussiae.*

suo, dum ad suggestionem cujusdam Rutheni, qui cum eo in carcere fuit, vovisset DEO certum pondus Ceræ pro liberazione sua; statim catenæ, quibus ligatus fuit, sunt confractæ & ianua carceris aperta est, & evasit.

C A P. CCLXXXVIII.

De

Fratre Henrico de Plocz Magistro terra Prusciae.

Frater Henricus de Plotzke Saxo, Magister Prussiae XVII. præfuit XII. annis usque ad adventum Magistri Generalis, qui ipsum instituit (a) magnum Commendatorem.

ANIMADVERSIO.

(a) Ad hoc usque tempus Prussiae, nomine Magistri Generalis, præfuit Magister Provincialis, cui adjunctus fuit Marschalcus Ordinis, ut supremus belli Dux; qui etiam cum quibusdam Commendatoribus consultabant de salute Reipubl. sed sede Magistri Generalis in Prussiam translata, mutata est rerum facies. Tum enim Caput Provinciæ fuit ipse Magister Generalis, quem sequebantur Præceptores majores I. Commendator Magnus (GroßCompteur) II. Marschalcus supremus (Landmarschall) qui Regiomonti residencebat. III. Hospitalarius supremus (Oberster Spittler) qui Elbingæ sedem suam habuit. IV. Trapiarius (Trapierer) qui præerat rei vestiariæ. V. Thesaurarius (Tresler) qui residencebat semper in Aula Magistri. Munia omnium horum accuratè describuntur in consuetudinibus Ordinis. Præter hos fuerunt multi alii Magistratus, qui recensentur à Waiselio in *Chron. fol. 132.* Nos tantum Commendatores Ordinis recensebinus ex *Chronico II. Bibl. Wallenrod. M. S.* ubi eo ordine recensentur: Commendator Provincialis terra Culmensis, qui residencebat in Althaus. Facta est ejus mentio supra cap. 187. Hunc sequuntur Thoruniensis, Brandenburgensis, Regiomontanus, Balgensis, Pappaviensis, Strasburgen-

Z z

fis,